



**Broj: 01-267/23
Vareš, 27.10.2023. godine**

Z A P I S N I K
*sa 28. sjednice Općinskog vijeća Vareš,
održane 28.09. 2023. godine*

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović, Nikola Šimić i Ešref Likić.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 28. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, pomoćnik načelnika - gosp. Ermin Musa, šefica Odsjeka za računovodstvo i trezor – gosp. Stela Terzić, savjetnik za sanitарне i ekološke poslove - gosp. Velida Džafo, predstavnici JU Centar za kulturu i edukaciju Vareš - gosp. Šejla Kapetanović i gosp. Stjepan Šimić i predstavnici medija.

Predsjedavajuća OV izvijestila je Vijeće da je na 27. sjednici OV održanoj 31.07.2023. godine donijelo osam (8) zaključka od kojih su četiri (4) Zaključka realizovana i četiri (4) Zaključka su u toku realizacije. Postavljeno je sedam (7) vijećničkih pitanja. Na sva pitanja je dat odgovor. Podnosiocu i svim ostalim vijećnicima dostavljeni su pisani odgovori.

Općinski načelnik Zdravko Marošević pod aktuelnim pitanjima za današnju sjednicu nije imao obraćanje.

(Izjašnjavanje vijećnika o dobivenom odgovoru)

Vijećnica Amela Brkić nije zadovoljna odgovorom na postavljeno vijećničko pitanje sa 27. sjednice, održane 31.07. 2023. godine te shodno tome traži pisani odgovor. Pitanje je glasilo:

Pitanje se odnosi na pješački prelaz kod 20-obiteljskih zgrada. Prilikom zadnjeg ocrtavanja on je potpuno izostavljen. To je veoma frekventna lokacija u blizini je i JPU Dječije obdanište Vareš i tu je oduvijek postojao pješački prelaz. Da li je moguće nešto uraditi po tom pitanju?

(Vijećnička pitanja i Inicijative)

Dario Dodik

1. Da li je u međuvremenu potpisana Ugovor u vezi sanacije preostalih ulica u gradu (udarne rupe u svim ulicama gdje je ostalo nedovršeno) i da li će biti realizirano do zime kao što nam je i obećano?
2. Moje pitanje se odnosi na Odluku o parking prostorima u gradu. Tražim obrazloženje zašto se Odluka o parking prostorima nije našla na dnevnom redu sve do sada i ako je bio Zaključak OV da se uvrsti i prije predviđenog roka, odnosno planirana je u III kvartalu u Programu rada OV?

Emir Islamović

3. Moje pitanje je upućeno Elektroprivredi, poslati poslovnicima Zenica ili Upravi Sarajevo. Problem imaju MZ Budoželje, Ravne, Kadarići jer prilikom malo većeg vjetra ili jače kiše dolazi do nestanke struje. Da li imaju u planu rekonstrukciju te elektroprivredne mreže u ovoj godini ili u narednom periodu? (dato je pojašnjenje)

Asmir Čizmo

4. Moje pitanje je usmjereno Općinskom načelniku i nadležnoj Službi. Da li ima prostora da se u skorijem periodu izvrši sanacija udarnih rupa na području ulice Ljepovići? Ovo bi trebalo biti hitno a nisu značajna ulaganja. (dato je pojašnjenje)

Vijećnik Asmir Čizmo uz dato obrazloženje podnio je usmeno **Inicijativu po kojoj traži da se djecje igralište zatvori ili renovira. Kroz ovu Inicijativu želi da se uključi i komunalno-gradevinski inspektor, da izade na teren, napravi Zapisnik i da nas upozna sa stanjem na igralištu, da uradi svoju procjenu na isto i da Vijeću do naredne sjednice dostavi se tražena informacija.**

Općinski načelnik u svom obraćanju izjavio je da će se sve neophodno sanirati neophodno, kako ne bi došlo do povreda u nadi da će se nekada napraviti bolje i modernije igralište, to je problem samo realizacije.

Sahudina Beganović

5. Kada će doći do isporuke ogrijeva za penzionere koji je plaćen? Da li postoji neki spisak po kojem se vrši isporuka? U ime penzionera sam zamoljena, da zamolim, da izvršimo pritisak da bi se isporučio ogrijev za penzionere.

Amela Brkić

6. Kada se može očekivati rješavanje problema u vezi sa angažovanjem logopeda koji bi radio sa djecom koja imaju potrebu za takvom vrstom pomoći? Ovo pitanje sam postavljala već i ranije ali nikad nisam dobila adekvatan odgovor. (dato je pojašnjenje)

Predsjedavajuća OV stavila je na raspravu Zapisnik sa 27. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 27. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen Zapisnik sa 27. sjednice OV.**

Predsjedavajuća OV stavila je na raspravu prijedlog dnevnog reda 28. sjednice OV koji je usuglašen na Kolegiju Općinskog vijeća.

Predsjedavajuća OV uz dato pojašnjenje predložila je dopunu dnevnog reda 28. sjednice sa tačkom 8. „**Prijedlog Odluke o izmjeni i dopuni Odluke o utvrđivanju standarda i kriterija za konačna imenovanje na pozicije u regulirane organe**“ i tačkom 11. „**Prijedlog Rješenja a) o razrješenju vršilaca dužnosti predsjednika i članova Skupštine JP Vareš-stan d.o.o. Vareš, b) o izboru i imenovanju predsjednika i člana Skupštine JP Vareš-stan d.o.o. Vareš i c) o imenovanju vršioca dužnosti člana Skupštine JP Vareš-stan d.o.o. Vareš“.**

Predsjedavajuća OV uz dato pojašnjenje predložila je da Vijeće Izvještaj o radu JU Centar za kulturu i edukaciju Vareš za 2022. godinu razmatra poslije tačke 1. bez mijenjanja redoslijeda tački, dnevnog reda.

Nije više bilo učesnika i predsjedavajuća OV stavila je na izjašnjavanje prijedlog dnevnog reda 28. sjednice OV sa prihvaćenom dopunom i nakon izjašnjavanja vijećnika konstatiše da **je jednoglasno sa 19 glasova „ZA“ usvojen sljedeći**

Dnevni red

1. Izvještaj/Izvješće o izvršenju budžeta/proračuna Općine Vareš za period januar/siječanj-juni/lipanj 2023. godine.
Izvjestilac: Općinski načelnik.
2. Prijedlog Odluke o sufinansiranju JP „Veterinarska stanica“ d.o.o. Vareš.
Izvjestilac: Općinski načelnik.
3. Prijedlog Odluke o povjeravanju na upravljanje i raspolažanje opremom za prikupljanje otpada JKP d.o.o. Vareš.
Izvjestilac: Ermin Musa.
4. Prijedlog Odluke o prodaji nekretnina neposrednom pogodbom radi oblikovanja građevinske čestice (Imamagić Enida ul. Korovinjići).
Izvjestilac: Ermin Musa.
5. Prijedlog Odluke o prodaji nekretnina neposrednom pogodbom radi oblikovanja građevinske čestice (Žutić Jasmina, Žutić Nijaz i Žutić Ismet iz Vareša).
Izvjestilac: Ermin Musa.
6. Prijedlog Odluke o usvajanju plana parcelacije Poslovne zone „Šijakovo“.
Izvjestilac: Ermin Musa.
7. Prijedlog Odluke o izmjenama Odluke o izboru stalnih radnih tijela Općinskog vijeća Vareš.
Izvjestilac: Komisija-Dario Dodik.
8. Prijedlog Odluke o izmjeni i dopuni Odluke o utvrđivanju standarda i kriterija za konačna imenovanje na pozicije u regulirane organe.
Izvjestilac: Općinski načelnik
9. Nacrt Odluke o uslovima i načinu držanja pasa, te načinu postupanja sa napuštenim i izgubljenim psima na području općine Vareš.
Izvjestilac: Velida Džafo.
10. Prijedlog Rješenja

- a) o razrješenju vršilaca dužnosti predsjednika i članova Skupštine JP Veterinarska stanica d.o.o. Vareš,
- b) o izboru i imenovanju predsjednika i članova Skupštine JP Veterinarska stanica d.o.o. Vareš.
Izvjestilac: Općinski načelnik.

11. Prijedlog Rješenja

- a) o razrješenju vršilaca dužnosti predsjednika i članova Skupštine JP Vareš-stan d.o.o. Vareš,
- b) o izboru i imenovanju predsjednika i člana Skupštine JP Vareš-stan d.o.o. Vareš,
- c) o imenovanju vršioca dužnosti člana Skupštine JP Vareš-stan d.o.o. Vareš,

Izvjestilac: Općinski načelnik.

12. Izvještaj o radu JU Centar za kulturu i edukaciju Vareš za 2022. godinu.

Izvjestilac: Direktorica JU.

13. Izvještaj/Izvješće o realizaciji Programa rada Općinskog vijeća Vareš za prvo polugodište 2023. godine.

Izvjestilac: Predsjedavajuća OV.

14. Tekuća pitanja.

Ad. 1.

*(Izvještaj/Izvješće o izvršenju budžeta/proračuna
Općine Vareš za period januar/siječanj-juni/lipanj 2023. godine.)*

Komisija za privredu, finansije i budžet na 13. sjednici održanoj 25.09.2023. godine jednoglasno je donijela Zaključak:

- **Komisija nema primjedbi na Izvještaj/Izvješće o izvršenju budžeta/proračuna Općine Vareš za period januar/siječanj-juni/lipanj 2023. godine, isti upućuje Vijeću na razmatranje uz sugestiju da se poduzmu potrebne radnje u naplati potraživanja da bi se ista smanjila.**

Općinski načelnik dao je dodatno pojašnjenje za ovu tačku dnevnog reda i u svom obraćanju upoznao je Vijeće sa određenim promjenama u smislu planiranih prihoda koji su trebali biti u prvom polugodištu tekuće godine, a koji su realizovani u avgustu mjesecu tekuće godine.

Nije bilo rasprave i predsjedavajuća OV stavila je na izjašnjavanje Izvještaj/Izvješće o izvršenju budžeta/proračuna Općine Vareš za period januar/siječanj-juni/lipanj 2023. godine.

Nakon izjašnjavanja vijećnika predsjedavajuća OV konstatiše da **sa 6 glasova „ZA“ i 13 „SUZDRŽANIH“ glasova nije usvojen**

*Izvještaj/Izvješće o izvršenju budžeta/proračuna
Općine Vareš za period januar/siječanj-juni/lipanj 2023. godine.*

Ad. 2.

(*Prijedlog Odluke o sufinansiranju JP „Veterinarska stanica“ d.o.o. Vareš.*)

Komisija za privedu, finansije i budžet na 13. sjednici održanoj 25.09.2023. godine jednoglasno je donijela Zaključak:

-Komisija nema primjedbi na Prijedlog Odluke o sufinansiranju JP „Veterinarska stanica“ d.o.o. Vareš i isti upućuje Vijeću na razmatranje.

Komisija za statutarna pitanja i propise na 23. sjednici održanoj 25.09.2023. godine jednoglasno je donijela Zaključak:

- Komisija nema primjedbi na Prijedlog Odluke o sufinansiranju JP „Veterinarska stanica „ d.o.o. Vareš i isti upućuje Vijeću na razmatranje.

Otvorena je rasprava u kojoj je učestvovao vijećnik Dario Dodik koji je izjavio da njegov Klub prihvata prijedlog Odluke.

Nije više bilo učesnika u raspravi i predsjedavajuća OV stavila je na izjašnjavanje Prijedlog Odluke o sufinansiranju JP „Veterinarska stanica“ d.o.o. Vareš.

Nakon izjašnjavanja vijećnika predsjedavajuća OV konstatiše da je jednoglasno sa **19 glasova „ZA“ usvojena**

Odluka o sufinansiranju JP „Veterinarska stanica“ d.o.o. Vareš.

Ad. 3.

(*Prijedlog Odluke o povjeravanju na upravljanje i raspolažanje opremom za prikupljanje otpada JKP d.o.o. Vareš*)

Komisija za statutarna pitanja i propise na 23. sjednici održanoj 25.09.2023. godine jednoglasno je donijela Zaključak:

- Komisija nema primjedbi na Prijedlog Odluke o povjeravanju na upravljanje i raspolažanje opremom za prikupljanje otpada JKP d.o.o. Vareš i isti upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o povjeravanju na upravljanje i raspolažanje opremom za prikupljanje otpada JKP d.o.o. Vareš.

Nakon izjašnjavanja vijećnika predsjedavajuća OV konstatiše da je jednoglasno sa **18 glasova „ZA“** (odsutan vijećnik Nurdin Begović) usvojena

Odluka o povjeravanju na upravljanje i raspolažanje opremom za prikupljanje otpada JKP d.o.o. Vareš.

Ad.4.

(Prijedlog Odluke o prodaji nekretnina neposrednom pogodbom radi oblikovanja građevinske čestice (Imamagić Enida ul. Korovinjići).

Komisija za statutarna pitanja i propise na 23. sjednici održanoj 25.09.2023. godine jednoglasno je donijela Zaključak:

- **Komisija nema primjedbi na Prijedlog Odluke o prodaji nekretnina neposrednom pogodbom radi oblikovanja građevinske čestice (Imamagić Enida ul. Korovinjići) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o prodaji nekretnina neposrednom pogodbom radi oblikovanja građevinske čestice (Imamagić Enida ul. Korovinjići).

Nakon izjašnjavanja vijećnika predsjedavajuća OV konstatiše da **je jednoglasno sa 18 glasova „ZA“** (odsutan vijećnik Nurdin Begović) **usvojena**

Odluka o prodaji nekretnina neposrednom pogodbom radi oblikovanja građevinske čestice (Imamagić Enida ul. Korovinjići).

Ad.5.

(Prijedlog Odluke o prodaji nekretnina neposrednom pogodbom radi oblikovanja građevinske čestice (Žutić Jasmina, Žutić Nijaz i Žutić Ismet iz Vareša).

Komisija za statutarna pitanja i propise na 23. sjednici održanoj 25.09.2023. godine jednoglasno je donijela Zaključak:

- **Komisija nema primjedbi na Prijedlog Odluke o prodaji nekretnina neposrednom pogodbom radi oblikovanja građevinske čestice (Žutić Jasmina, Žutić Nijaz i Žutić Ismet iz Vareša) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o prodaji nekretnina neposrednom pogodbom radi oblikovanja građevinske čestice (Žutić Jasmina, Žutić Nijaz i Žutić Ismet iz Vareša).

Nakon izjašnjavanja vijećnika predsjedavajuća OV konstatiše da **je jednoglasno sa 18 glasova „ZA“** (odsutan vijećnik Nurdin Begović) **usvojena**

Odluka o prodaji nekretnina neposrednom pogodbom radi oblikovanja građevinske čestice (Žutić Jasmina, Žutić Nijaz i Žutić Ismet iz Vareša).

Ad.6.

(Prijedlog Odluke o usvajanju plana parcelacije Poslovne zone „Šijakovo“.)

Komisija za statutarna pitanja i propise na 23. sjednici održanoj 25.09.2023. godine jednoglasno je donijela Zaključak:

- **Komisija nema primjedbi na Prijedlog Odluke o usvajanju plana parcelacije Poslovne zone „Šijakovo“ i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o usvajanju plana parcelacije Poslovne zone „Šijakovo“.

Nakon izjašnjavanja vijećnika predsjedavajuća OV konstatiše da **je jednoglasno sa 19 glasova „ZA“ usvojena**

Odluka o usvajanju plana parcelacije Poslovne zone „Šijakovo.

Ad.7.

(*Prijedlog Odluke o izmjenama Odluke o izboru stalnih radnih tijela Općinskog vijeća Vareš*)

Komisija za izbor i imenovanja na 7. sjednici održanoj 26.09.2023. godine jednoglasno je donijela sljedeći Zaključak:

- **Komisija za izbor i imenovanje nema primjedbi na Prijedlog Odluke o izmjenama Odluke o izboru stalnih radnih tijela Općinskog vijeća Vareš i istu upućuje Vijeće na razmatranje.**

Komisija za statutarna pitanja i propise na 23. sjednici održanoj 25.09.2023. godine jednoglasno je donijela Zaključak:

- **Komisija za statutarna pitanja i propise nema primjedbi na Prijedlog Odluke o izmjenama Odluke o izboru stalnih radnih tijela Općinskog vijeća Vareš i istu upućuje Vijeće na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o izmjenama Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajuća OV konstatiše da **je jednoglasno sa 19 glasova „ZA“ usvojena**

Odluke o izmjenama Odluke o izboru stalnih radnih tijela Općinskog vijeća Vareš.

Ad.8.

(Prijedlog Odluke o izmjeni i dopuni Odluke o utvrđivanju standarda i kriterija za konačna imenovanje na pozicije u regulirane organe)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Amela Brkić (**uz dato pojašnjenje predložila je da se u članu 1. stav 2. iz riječi „iskustva“ dodaju riječi „u struci“ i u članu 3. da se navede gdje je potrebo iskustvo „u struci“**) i Dario Dodik (*izjavio je da se provjeri da li je u temeljnoj Odluci navedeno da je potrebno iskustvo „u struci“ kad je član 3. u pitanju i ako će se u članu 1. stav 2. to već uvrstiti onda će se u cijeloj Odluci smatrati tako*).

Predsjedavajuća OV je stavila je na izjašnjavanje Prijedlog Odluke o izmjeni i dopuni Odluke o utvrđivanju standarda i kriterija za konačna imenovanje na pozicije u regulirane organe sa izmjenama koje je predložila vijećnica Amela Brkić ukoliko one ne staje u temeljnoj odluci.

Nakon izjašnjavanje vijećnika predsjedavajuća OV konstatiše da je **jednoglasno sa 19 glasova „ZA“ usvojena**

Odluka o izmjeni i dopuni Odluke o utvrđivanju standarda i kriterija za konačna imenovanje na pozicije u regulirane organe.

Ad.9.

(Nacrt Odluke o uslovima i načinu držanja pasa, te načinu postupanja sa napuštenim i izgubljenim psima na području općine Vareš)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje sljedeći

Zaključak:

- 1. Prihvata se** Nacrt Odluke o uslovima i načinu držanja pasa, te načinu postupanja sa napuštenim i izgubljenim psima na području općine Vareš.
- 2.** Nacrt Odluke o uslovima i načinu držanja pasa, te načinu postupanja sa napuštenim i izgubljenim psima na području općine Vareš, iz tačke 1. ovog Zaključka upućuje se na javnu raspravu u trajanju od 30 dana.
- 3.** Zadužuje se Općinski načelnik i nadležna služba da provedu javnu raspravu u skladu sa aktima OV i sačine Prijedlog i isti dostave Vijeću na razmatranje i usvajanje.
- 4.** Sastavni dio prijedloga bit će i Izvještaj o provedenoj raspravi.
- 5.** Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatiše da je **jednoglasno sa 19 glasova „ZA“ usvojen predloženi Zaključak.**

Ad.10.

(Prijedlog Rješenja

- a) o razrješenju vršilaca dužnosti predsjednika i članova Skupštine JP Veterinarska stanica d.o.o. Vareš,
- b) o izboru i imenovanju predsjednika i članova Skupštine JP Veterinarska stanica d.o.o. Vareš).

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju vršilaca dužnosti predsjednika i članova Skupštine JP Veterinarska stanica d.o.o. Vareš na izjašnjavanje.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

Rješenje o razrješenju vršilaca dužnosti predsjednika i članova Skupštine JP Veterinarska stanica d.o.o. Vareš.

Predsjedavajuća OV stavila je na izjašnjavanje Prijedlog Rješenja o izboru i imenovanju predsjednika i članova Skupštine JP Veterinarska stanica d.o.o. Vareš na izjašnjavanje.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

Rješenje o izboru i imenovanju predsjednika i članova Skupštine JP Veterinarska stanica d.o.o. Vareš.

Ad.11.

(Prijedlog Rješenja

- a) o razrješenju vršilaca dužnosti predsjednika i članova Skupštine JP Vareš-stan d.o.o. Vareš,
- b) o izboru i imenovanju predsjednika i člana Skupštine JP Vareš-stan d.o.o. Vareš,
- c) o imenovanju vršioca dužnosti člana Skupštine JP Vareš-stan d.o.o. Vareš,

Predsjedavajuća OV dala je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju vršilaca dužnosti predsjednika i članova Skupštine JP Vareš-stan d.o.o. Vareš na izjašnjavanje.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

Rješenje o razrješenju vršilaca dužnosti predsjednika i članova Skupštine JP Vareš-stan d.o.o. Vareš.

Predsjedavajuća OV stavila je na izjašnjavanje Prijedlog Rješenja o izboru i imenovanju predsjednika i člana Skupštine JP Vareš-stan d.o.o. Vareš.

Nakon izjašnjavanja vijećnika predsjedavajuća OV konstatiše da je **jednoglasno sa 19 glasova „ZA“ usvojeno**

Rješenje o izboru i imenovanju predsjednika i člana Skupštine JP Vareš-stan d.o.o. Vareš.

Predsjedavajuća OV stavila je na izjašnjavanje Prijedlog Rješenja o imenovanju vršioca dužnosti člana Skupštine JP Vareš-stan d.o.o. Vareš,

Nakon izjašnjavanja vijećnika predsjedavajuća OV konstatiše da je **jednoglasno sa 19 glasova „ZA“ usvojeno**

Rješenje o imenovanju vršioca dužnosti člana Skupštine JP Vareš-stan d.o.o. Vareš.

Ad.12.

(Izvještaj o radu JU Centar za kulturu i edukaciju Vareš za 2022. godinu)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*predlaže da se izvještaji o radu javnih ustanova i javnih preduzeća razmatraju u prvom kvartalu, moli Općinskog načelnika i nadležnu službu da u Budžetu za 2024. godinu planiraju dodatna sredstva za edukacije, traži od direktorice da Vijeće izvijesti o radovima na rekonstrukciji grijanja u ustanovi*), Dario Dodik (*predložio da se kod izrade narednog Izvještaja u tabelarnom prikazu aktivnosti ustanove, razdvoje na aktivnosti koje su u organizaciju ustanove i na komercijalne*), Malik Rizvanović (*uputio je pitanja direktorici –da li je u potpunosti ispoštovana Odluka OV o preuzimanju Kraljevskog grada Bobovac?, Koliki su prihodi od kompleksa Kraljevskog grada Bobovac?, predložio je da se postavi tabla na kojoj će pisati ko upravlja i gazduje Kraljevskim gradom Bobovac*), Šaban Ibršimović (*uz pojašnjenje izjavio je da Klub neće podržati ovu tačku dnevnog reda*), Općinski načelnik (*u svom obraćanju iznio je svoje mišljenje u vezi aktivnosti u održavanju i očuvanju Kraljevskog grada Bobovac od strane JU Centar za kulturu i edukaciju Vareš, Udruženja i mještana MZ Dragovići i Mijakovići*).

Predsjedavajuća OV pozvala je direktoricu da odgovori na postavljena pitanja vijećnika u raspravi.

Direktorica Šejla Kapetanović zamolila je da joj se pitanja dostave u pisanoj formi na koja će biti odgovoren u zakonskom roku.

Predsjedavajuća OV stavila je na izjašnjavanje Izvještaj o radu JU Centar za kulturu i edukaciju Vareš za 2022. godinu.

Nakon izjašnjavanja vijećnika predsjedavajuća OV konstatiše da je **sa 13 glasova „ZA“, 2 glasa „PROTIV“ i 3 „SUZDRŽANA“ glasa** (odsutna Amela Brkić) **usvojen**

Izvještaj o radu JU Centar za kulturu i edukaciju Vareš za 2022. godinu.

Ad.13.

*(Izvještaj/Izvješće o realizaciji Programa rada
Općinskog vijeća Vareš za prvo polugodište 2023. godine)*

Predsjedavajuća OV u svom obraćanju skrenula je pažnju na nerealizovane materijale koji su kao tačke dnevnog reda, po Programu rada OV, trebale biti realizovane u prvoj polovini tekuće godine. Nositelji izrade materijala/akata nisu iste dostavili Vijeću na razmatranje i zbog toga Vijeće nije Program rada realizovalo u potpunosti.

Otvorena je rasprava u kojoj su učestvovali vijećnici: Dario Dodik (*podsjetio je da sjednica OV nije održana u junu mjesecu, a po zaključku OV trebala je da se održi, skrenuo je pažnju na određene odluke koje nisu urađene a planirane su godinama, iznio je svoje mišljenje u vezi dugovanja koja se odnose na neisplaćene naknade za vijećnike i članove radnih tijela u OV*), Emir Islamović (*mišljenja je da finansijska sredstva koja se izdvajaju za rad Općinskog vijeća i koja su realizovana prema Vijeću u prvoj polovini tekuće godine, nisu uopšte velika za razliku od sredstva koja se izdvajaju za određene organizacije i nevladine sektore, skrenuo je pažnju da Općinski načelnik treba zahtijevati od službi da ažurno i blagovremeno realizuju zahtjeve i zaključke, koje im dostavlja OV*), predsjedavajuća OV Mahira Brkić (*podsjetila je prisutne i upoznala javnost da sredstva koja su realizovana prema Vijeću, odnose se isključivo na vijećničke paušale, a ne na naknade za seminare, reprezentaciju, jer Vijeće tih rashoda nije ni imalo*), Amela Brkić (*traži pojašnjenje u vezi podataka o broju sudjelovanja vijećnika u raspravi koji su navedeni u Izvještaju – ispred Stručne službe OV dato joj je pojašnjene*), Zakir Džafo (*uz dato pojašnjene skrenuo je pažnju na otežan rad Vijeća i Kolegija OV, jer još uvijek OV radi bez sekretara OV i zamjenika predsjedavajuće, istakao je problem u vezi napuštanja i neprisustvovanja predstavnika Izvršne vlasti na sjednicama OV*), predsjedavajuća OV Mahira Brkić (*iznijela je problem u vezi odnosa Izvršne vlasti prema Vijeću, u smislu neizvršavanja određenih obaveza i zadataka, o istom je dala pojašnjene i zatražila od Vijeća da predloži eventualni prijedlog kako da se ta problematika riješi*), Dario Dodik (*mišljenja je da se treba ići u izmjene Poslovnika o radu u smislu obveznog prisustvovanja Načelnika i pomoćnika načelnika tokom cijele sjednice OV, kad je u pitanju rad službi i upravljanje službi u Jedinstvenom općinskom organu, odgovoran je Načelnik, o istom je dao pojašnjene*), predsjedavajuća OV Mahira Brkić (*podsjetila je prisutne da je upućen dopis svim Klubovima stranaka da dostave prijedlog za zamjenika predsjedavajuće OV, ali ni jedan prijedlog nije dostavljen,*) i Amela Brkić (*također je iznijela problem sa kojima se Vijeće susreće tokom rada sjednica, jer na istim u većini slučajeva nisu prisutni svi pomoćnici Načelnika ili izvjestioci*).

Zaključena je rasprava i predsjedavajuća OV stavila je na izjašnjavanje Izvještaj/Izvješće o realizaciji Programa rada Općinskog vijeća Vareš za prvo polugodište 2023. godine.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen**

*Izvještaj/Izvješće o realizaciji Programa rada
Općinskog vijeća Vareš za prvo polugodište 2023. godine.*

Predsjedavajuća OV predložila je i stavila na izjašnjavanje sljedeći

Zaključak:

- Općinsko vijeće Vareš traži od načelnika Općine Vareš da prisustvuje sjednicama Kolegija OV, a ukoliko bude spriječen da prisustvuje sjednicama, da ovlasti nekog od pomoćnika ili nekog od izvjestioca koji će biti na usluzi Kolegiju OV i koji bi mogao dati sve potrebne informacije.

Ad.14.
(Tekuća pitanja.)

1. Predsjedavajuća OV u vezi postavljenog vijećničkog pitanja gosp. Sahudine Beganović na današnjoj sjednici OV koje se odnosi na isporuku ogrjevnog drveta prema penzionerima, upoznala je prisutne sa hronologijom dešavanjima od potpisivanja Ugovora za isporuku zimnice/ogrjeva između Uprave ŠPD ZDK d.o.o. Zavidovići i Udruženja penzionera Vareš, pa sve do danas.

U raspravi su učestvovali vijećnici Emir Islamović i Maja Berberović.

Predsjedavajuća OV predložila je i stavila na izjašnjavanje sljedeći

Zaključak:

- **Općinsko vijeće Vareš traži od Uprave JP ŠPD ZDK d.o.o. Zavidovići da se aktivno uključi u rješavanje problema isporuke ogrijeva po Ugovoru sa Udruženjem penzionera Vareš i to na način da naloži predstavnicima Šumarije Olovu da u mjesecu oktobru tekuće godine, isporuči 100 zimnica na ime pomenutog Ugovora, jer u suprotnom bit ćemo prinuđeni pokrenuti postupak za vraćanje nadležnosti gazdovanja šumama u korist PJ Šumarija Vareš i to u njenim administrativnim granicama.**

Nakon izjašnjavanja vijećnika predsjedavajuća OV konstatuje da je jednoglasno sa 19 glasova „ZA“ usvojen predloženi Zaključak.

U dalnjoj raspravi učestvovali su vijećnici: Sahudina Beganović (zahvalila se predsjedavajućoj na opširnom obrazloženju) i Mirnes Ajanović (*uz dato pojašnjenje skrenuo je pažnju za neodložno održavanje tematske sjednice po pitanju problematike u vezi stanja šuma*).

Na osnovu rasprave, predsjedavajuća OV predložila je i stavila na izjašnjavanje sljedeći

Zaključak:

- **Općinsko vijeće predlaže da se pripremi Tematska sjednica na temu stanja u šumama na općini Vareš, administrativnih granica i odnosa JP ŠPD ZDK d.o.o. Zavidovići prema Općini Vareš, lokalnoj zajednici i jednim dijelom prema PJ Šumarija Vareš. Rok za Tematsku sjednicu je 30 dana od dana imenovanja sekretara OV.**

Nakon izjašnjavanja vijećnika predsjedavajuća OV konstatuje da je jednoglasno sa 19 glasova „ZA“ usvojen predloženi Zaključak.

Predsjedavajuća OV dala je pauzu u trajanju od 10 minuta.

Nastavljeno je sa radom sjednice.

2. Vijeće je upoznato sa Odgovor Tužilaštva ZDK broj:T04 0 KTA 0049903 22 od 05.09.2023. godine na Zaključak OV Vareš broj.01-179/22 od 28.07.2022. godine u vezi rješavanja problema odlaganja komunalnog otpada na ilegalnoj deponiji na lokaciji uz putnu komunikaciju Vareš-Breza.

3. Vijeće je upoznato sa Odgovorom Kantonalne uprave za inspekcijske poslove broj: 18-19-12440/23 od 31.08.2023. godine na Zaključak OV Vareš broj:01-190/23 od 31.07.2023. godine po kojem je tražena informacija o provedenim aktivnostima na uklanjanju deponije u mjestu Nedići, općina Breza.

U raspravi su učestvovali vijećnici: Asmir Čizmo, Malik Rizvanović i predsjedavajuća OV Mahira Brkić.

4. Vijeće je upoznato sa Ostavkom Dženane Bešić Junuzović na mjesto predsjednice Komisije za privredu, finansije i budžet.

Predsjedavajuća OV apeluje da OO SDA Vareš dostavi novi prijedlog za člana Komisije, kako bi Komisija mogla raditi u punom sastavu.

5. Vijeće je upoznato sa Dopisom/Stavom Općinskog načelnika broj:02-1396/23 od 19.09.2023. godine po Zaključku OV Vareš sa 27. sjednice OV održane 31.07.2023. godine („Da nadležna Služba do sljedeće sjednice OV pripremi i dostavi prijedlog Odluke o izmjenama i dopunama Odluke o usklađivanju statusa javnih preduzeća sa Zakonom o javnim preduzećima u FBiH i Zakonom o privrednim društvima(JKP d.o.o. Vareš, JP Vareš-stan d.o.o. i JP Veterinarska stanica d.o.o. Vareš“).

Predsjedavajuća OV u vezi dostavljenog Stava Službe za prostorno uređenje putem Općinskog načelnika, u kome je navedeno da će se Odluke pripremiti do kraja tekuće godine, izrazila nezadovoljstvo.

6. Vijeće je upoznato sa Zahtjevom za refundaciju troškova nabavke neophodne opreme u 2023. godini, broj:01-20-1014/23 od 07.08.2023. godine, kojeg je JU Dom zdravljva Vareš uputila Ministarstvu zdravstva ZDK i ZZO ZDK. Isti je Vijeću dostavljen na znanje. JU Dom zdravljva Vareš dostavljeni su odgovori po Zahtjevu od Ministarstva zdravstva ZDK broj.11-11-12512-1/23 od 22.08.2023. godine i od ZZO ZDK broj.01-33-12228/23 od 07.08.2023. godine.

Predsjedavajuća OV konstatovala je da na sjednici nije prisutan niko ispred Izvršne vlasti tako da Vijeće ne može dobiti eventualne odgovore po dostavljenim dopisima i zbog toga **Vijeće gore navedene dopise upućuje Općinskom načelniku na izjašnjavanje, kako bi OV moglo donijeti eventualne zaključke na narednoj sjednici OV.**

7. Vijeće je upoznato sa Zahtjevom JU Dom zdravljva Vareš, broj:01-20-1024/23 od 08.08.2023. godine u vezi izmjene člana 3. Odluke o utvrđivanju visine naknade predsjedniku i članovima upravnih odbora javnih ustanova čiji je Osnivač Općina Vareš, broj:01-129/22 od 30.05.2022. godine.

Predsjedavajuća OV predložila je da se **Zahtjev uputi nadležnoj službi na izjašnjavanje, kako bi Vijeće moglo ići u daljnji postupak eventualne izmjene navede Odluke.**

U raspravi su učestvovali vijećnici Zakir Džafo, Igor Hinger i predsjedavajuća OV.

8. Vijeće je upoznato sa Dopisom JU Centar za kulturu i edukaciju Vareš, broj:02-09-190/23 od 13.09.2023. godine o nedozvoljenim radovima na Kraljevskom gradu Bobovac.

Vijećnik Šaban Ibrišimović upoznao je Vijeće sa radovima koji se realizuju na Kraljevskom gradu Bobovac, odnosno projektu Udruženja koji je započet i u vezi s tim predložio je da Vijeće donese zaključak o suglasnosti za završetak započetih radova.

Predsjedavajuća OV izjavila je da Vijeće ne može dati tu suglasnost jer je donesena Odluka kojom je upravljanje Kraljevskim gradom Bobovac dato JU Centar za kulturu i edukaciju Vareš. Sugerisala je da predstavnici Udruženja građana Čuvari bosanske krune Bobovac, predstavnici JU Centar za kulturu i edukaciju i Općinski načelnik razmotre problematiku i donesu adekvatno rješenje za završetak radova.

U raspravi su učestvovali vijećnici: Sahudina Beganović, Asmir Čizmo, Mirnes Ajanović (*iznio je svoj stav o odnosu direktorice JU Centar za kulturu i edukaciju Vareš prema Vijeću i smatra da bi trebalo da joj se izrekne opomena*), predsjedavajuća OV Mahira Brkić (*uz dato pojašnjenje ponovila je svoj stav da predstavnici udruženja, Načelnik i predstavnici JU Centar za kulturu i edukaciju trebaju iznaći adekvatno rješenje kako bi se*

trenutni problemi otklonili), Dario Dodik (*predložio je da Vijeće doneše zaključak da se obaveže direktorica JU Centar za kulturu i edukaciju Vareš, da uz pisane odgovore prisustvuje sjednici Vijeća i prezentira svoje odgovore, uz pojašnjenje predložio je direktorici da evidentira sve rade koji su do sada izvršeni na samom lokalitetu - koliko je tih rade, koji su to rade i ko je realizovao te rade*), Maja Berberović (predložila je da u ostavljenom roku, do naredne sjenice, Vijeće obaveže direktoricu, Načelniku i udruženje da održe sastanak i Vijeće izvijeste o donesenim zaključcima) i Šaban Ibrišimović.

Predsjedavajuća OV je na osnovu rasprave i iznesenim prijedloga u raspravi predložila i stavila na izjašnjavanje sljedeće

Preporuku:

- **Općinsko vijeće daje Preporuku Općinskom načelniku da koordinira i zakaže sastanak sa predstavnicima Udruženja građana „Čuvari bosanske krune Bobovac“ i predstavnicima JU „Centar za kulturu i edukaciju“ Vareš, na kojem će se razmatrati navedena problematika i donijeti adekvatno rješenje.**
Sastanak organizovati u roku od 5 dana.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ (odsutni vijećnici Amela Brkić i Emir Islamović) usvojena predložena Preporuka.**

Zaključak:

- **Općinsko vijeće obavezuje direktoricu JU Centar za kulturu i edukaciju Vareš da odgovore na postavljena pitanja vijećnika u raspravi na 28. sjednici OV od 28. 09.2023. godine pod tačkom 12. Izvještaj o radu JU Centar za kulturu i edukaciju Vareš, dostavi podnosiocima istih i da prisustvuje narednoj sjednici Općinskog vijeća Vareš kako bi iste prezentirala vijećnicima.**

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ (odsutni vijećnici Amela Brkić i Emir Islamović) usvojen predloženi Zaključak.**

9. Vijeće je upoznato sa Odgovorom Službe za prostorno uređenje po Zaključku sa 27. sjednice OV održane 31.07.2023. godine, broj:02/3-2492/23 od 26.09.2023. godine, a u vezi Zahtjeva/Informacije vlasnika stanova (katastarska Općina Strica-Parcela 42 Ponikva).

Predsjedavajuća OV konstatuje da će Stručna služba OV gore navedeni Odgovor dostaviti podnosiocima Zahtjeva/Informacije.

10. Vijećnik Šaban Ibrišimović u svom obraćanju podsjetio je prisutne na inicijative u vezi regionalne ceste na području općine Vareš.

Uz dato obrazloženje predložio je da Vijeće predloži Preporuku Načelniku da preko nadležne službe uputi Inicijativu prema resornom ministarstvu s ciljem sanacije dionice ceste Janjušići-Bukovica.

Upoznao je prisutne da je raspisani Javni poziv Federalnog fonda za zaštitu okoliša koji je otvoren do 06.10.2023. godine i uz dato pojašnjenje predložio da Općinsko vijeće da Preporuku nadležnoj službi da Vijeću do naredne sjednice dostave informaciju sa koliko projekata su aplicirali prema Federalnom fondu za zaštitu okoliša.

Predsjedavajuća OV stavila je na izjašnjavanje sljedeće

Zaključke

- **Općinsko vijeće traži od Općinskog načelnika i nadležne Službe da upute Inicijativu za hitnu sanaciju regionalne ceste R444a (Janjošić-Bukovica) prema nadležnom Ministarstvu s ciljem sanacije pomenute dionice.**

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ (odsutni vijećnici Amela Brkić i Emir Islamović) usvojen predloženi Zaključak.**

- **Općinsko vijeće Vareš daje preporuku nadležnoj Službi da apliciraju na Javni poziv Federalnog fonda za zaštitu okoliša (otvoren do 06.10. 2023. godine) i traži od nadležne Službe Izvještaj u kojem će se navesti na koliko projekata se apliciralo prema Federalnom fondu za zaštitu okoliša. (JURA-Jedinica za upravljanje lokalnim razvojem). Izvještaj dostaviti Vijeću do naredne sjednice OV.**

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ (odsutni vijećnici Amela Brkić i Emir Islamović) usvojen predloženi Zaključak.**

Sastavni dio ovog Zapisnika je audio zapis sjednice.

Sjednica je završena u 17.20 sati.

ZAPISNIČAR

Azra Pijadžer

**PREDSJEDAVAJUĆA
OPĆINSKOG VIJEĆA**

Mahira Brkić